

2016 йил «04 07» да

«NAVOIYDONMAHSULOTLARI»

АЖ акциядорлари умумий йиғилиши  
томонидан «ТАСДИҚЛАНГАН»



«NAVOIYDONMAHSULOTLARI» Акциядорлик жамияти  
ТАФТИШ КОМИССИЯСИНИНГ  
НИЗОМИ

#### МУНДАРИЖА

I. Умумий қисм.....	Ошибка! Закладка не определена.
II. Тафтиш комиссиясининг функция ва мажбуриятлари.....	Ошибка! Закладка не определена.
III. Тафтиш комиссиясининг ҳуқуқ ва ваколатлари.....	4
IV. Тафтиш (ревизия)ларни ўтказиш тартиби.....	5
V. Тафтиш комиссияси аъзоларининг сайланиши ва ваколатларини муддатидан илгари тугатиш.....	7
VI. Тафтиш комиссиясининг йиғилишлари.....	9
VII. Тафтиш комиссияси аъзоларига тўланадиган мукофот ҳажмини белгилаш.....	10

## I. УМУМИЙ ҚИСМ

1. Ушбу Низом «NAVOIYDONMAHSULOTLARI» акциядорлик жамиятининг (бундан кейин матнда - жамият) тафтиш комиссияси мақомини белгилаб, иши регламентини, унинг аъзоларини сайлаш, ҳамда уларнинг функционал вазибалари ва ваколатларини белгилайди.

2. Ушбу Низом Ўзбекистон Республикасининг "Акциядорлик жамиятлари ва акциядорларнинг ҳуқуқини химоя қилиш тўғрисида"ги Қонун, бошқа меъёрий-норматив ҳужжатлар, ҳамда жамият низоми асосида тузилган.

3. Тафтиш комиссияси жамият фаолиятида, ҳамда унинг бўлиналари ва хизматларида ички молиявий-хўжалик ва ҳуқуқий назоратни амалга оширувчи органдир.

4. Ўз фаолиятида тафтиш комиссияси Ўзбекистон Республикаси қонунчилиги, давлат бошқаруви органларининг қонуности ҳужжатлари, жамият низоми, ушбу низом ва жамиятнинг бошқа ҳужжатларига таянади.

## II. ТАФТИШ КОМИССИЯСИНING ФУНКЦИЯ ВА МАЖБУРИЯТЛАРИ

5. Жамиятни молиявий – хўжалик фаолиятининг тафтиши (ревизияси) йил давомидаги фаолият натижалари ёки тафтиш комиссияси, акциядорларнинг умумий йиғилиши, кузатув кенгаши ташаббуси билан ёки биргаликда жамиятни овоз берувчи акцияларининг 5% дан кам бўлмаган акцияларига эга бўлган акциядор (акциядорлар) талабига биноан кузатув кенгашини олдиндан хабардор қилган ҳолда бошқа давр учун ўтказилади.

6. Ўз функцияларини бажариш чоғида тафтиш комиссияси куйидаги иш турларини амалга оширади:

- жамиятнинг молиявий ҳужжатлари, мулкни инвентаризация қилиш бўйича комиссияси ҳулосасини, кўрсатилган ҳужжатларнинг дастлабки бухгалтерия ҳисоби билан таққослаб текширади;

- жамият номидан тузилган шартномалар, битимларни, ўзаро шартнома тузган томонлардан ҳар бири билан ҳисоб-китоблар қонунийлигини текшириш;

- олиб борилган бухгалтерлик ва статистик ҳисобларининг амалдаги норматив ҳужжатларга мослигини таҳлил қилиш;

- жамиятнинг молиявий ҳолатини, унинг тўлашга қодирлиги, активларнинг қадрлигини таҳлил қилиш, жамиятнинг ўз маблағлари ва қарз воситалари нисбати, жамият иқтисодий ҳолатини яхшилаш учун захираларни аниқлаш ва жамият бошқарув органлари учун уларнинг молиявий-хўжалик фаолиятлари масалаларига оид тавсиялар ишлаб чиқиш;

- маҳсулот ва хизматларни етказиб берувчилар томонидан тўловларни амалга ошириш, бюджетга тўловлар, иш ҳаққи ва дивидендларни ҳисоблаш ва тўлаш, бошқа мажбуриятларни узиш ўз вақтида ва тўғри бажарилганлигини текшириш;

- жамият баланслари, йиллик ҳисоботлар, фойда ва зарарлар ҳисоблари, фойдани тақсимлаш ҳужжатлари, ҳамда солиқ инспекцияси, статистика органлари, давлат бошқаруви органларига тақдим қилиш учун тузилган ҳисобот ҳужжатлари тўғрилигини текшириш;

- жамият томонидан қимматли қоғозлар ва акциядорлик жамияти ҳақидаги қонунчилик ва норматив ҳужжатларнинг талабларига риоя қилиниши, жумладан афилланган шахслар билан тузилган битимлар ва йирик шартномаларнинг мавжудлиги;

- жамият низомида тафтиш комиссияси ваколатига, шу жумладан акциядорлар умумий йиғилиши ва кузатув кенгаши топшириғи билан киритилган бошқа ишлар.

7. Тафтиш комиссияси мажбуриятлари:

- акциядорлар умумий йиғилиши, кузатув кенгаши, ижро органи диққатига ҳулоса, ёзма ҳисобот, ёзма доклад, жамият бошқаруви органлари йиғилишларига берилган хабарлар шаклида амалга оширилган тафтишлар ва текширишлар натижаларини ўз вақтида етказиш;

- жамиятнинг йиллик ҳисоботи ва йиллик бухгалтерлик ҳисоботида берилган маълумотларнинг ҳаққонийлигига баҳо бериш;

- жамиятнинг риск ёки унинг молиявий аҳолига таъсир эта оладиган бошқа шароитлар олдидаги заифлиги даражасига баҳо бериш;

- жамиятни молиявий-хўжалик фаолиятининг йил натижаларини, шунингдек қонунчилик, жамият низоми ва ушбу низомга мос ҳолда хоҳлаган муддатда шахсларнинг ташаббуси асосида текшириш;

- тижорат сирини сақлаш, махфий ҳисобланадиган, ўз функцияларини бажариш чоғида кузатув кенгаши аъзолари томонидан фойдаланадиган маълумотларни эълон қилмаслик. Агар тафтиш комиссияси ишига унинг аъзоси бўлмаган шахслар жалб этилса, улар тижорат сирини сақлаш зарурлиги ҳақида огоҳлантирилган бўлишлари керак. Уларнинг амаллари учун жавобгарлик бу шахсларни тафтишга жалб этган тафтиш комиссияси аъзоларига юкланади;

- акциядорларнинг жамиятни бошқарув органи ва мансабдор шахслари устидан келтирган шикоятларини ўз вақтида кўриб чиқиш ва улар бўйича тегишли қарорлар қабул қилиш;

- агар жамиятнинг ишлаб чиқариш – хўжалик, молиявий, ҳуқуқий фаолиятида қондабузарликлар аниқланса ёки жамият манфаатларига жиддий хавф солиниб, уларни жамиятни бошқарув органлари томонидан ҳал этилиши талаб қилинса, кузатув кенгаши йиғилиши, акциядорларнинг навбатдан ташқари умумий йиғилишини чақиртириш.

8. Тафтиш ўтказиш чоғида тафтиш комиссияси аъзолари тафтиш предметига оид барча ҳужжатлар ва материалларни диққат билан ўрганиб чиқишлари зарур. Нотўғри ҳулосалар учун тафтиш комиссияси аъзолари жавобгардирлар, хатолик учун кўриладиган чора акциядорларнинг умумий йиғилиши ва Ўзбекистон Республикасининг амалдаги қонунчилиги билан белгиланади.

9. Тафтиш комиссияси аъзолари жамиятнинг умумий йиғилишида қатнашишлари ҳамда ўз ваколатлари доирасида йиғилиш қатнашчиларининг саволларига жавоб беришлари зарур.

## III. ТАФТИШ КОМИССИЯСИНING ҲУҚУҚ ВА ВАКОЛАТЛАРИ

10. Тафтиш комиссияси ўз вазибаларини талаб даражасида бажариш мақсадида куйидагиларга ҳақли:

- жамиятнинг хоҳлаган турдаги молиявий ҳужжатларини, жумладан жамиятни инвентарлаштириш бўйича комиссия ҳужжатларини текшириб, ушбу ҳужжатларни дастлабки бухгалтерия ҳисоби маълумотлари билан таққослаш;

- ўз фаолиятини амалга ошириш учун жамиятнинг бошқарув органлари, унинг бўлиналари ва хизматлари, мансабдор шахсларидан ҳужжатларни талаб қилиш ва

олиш. Кўрсатилган ҳужжат ва материаллар тафтиш комиссиясига унинг сўровидан сўнг икки кун давомида тақдим этилади;

- жамиятнинг ишлаб чиқариш - хўжалик, молиявий, ҳуқуқий фаолиятида бузилишлар аниқланса ёки жамият манфаатларига бошқа хавф пайдо бўлган ҳолатида акциядорларнинг умумий йиғилиши (бир овоздан қарор қабул қилиш йўли орқали) чақирилишини талаб қилиш;

- кузатув кенгаши йиғилиши чақирилишини талаб қилиш. Кузатув кенгаши раиси тафтиш комиссиясининг кузатув кенгаши йиғилиши чақирилиши борасидаги талабини рад этишга ҳақли эмас;

- кузатув кенгашининг йиғилишларида унинг бирон бир аъзоси таклифи асосида қатнашиш;

- жамият бошқарув органлари, унинг бўлинмалари ва хизматлари томонидан жамият қабул қилган низом, қоида ва қўлланмалар талаблари бузилган ҳолатда улар олдида жамият ходимлари, жумладан мансабдор шахслари жавобгар эканлиги масаласини қўйиш;

- Молиявий ҳисобот юритиш бўйича халқаро стандартларга мос ҳолда молиявий ҳисоботни нашр этишга ўтишни ташкиллаштириш бўйича жамият ишчи гуруҳи ишларида қатнашиш;

- қонунчилик ва жамиятнинг ички ҳужжатлари билан белгиланган тартибда тафтиш комиссиясида ишлагани учун мукофот ва (ёки) харажатлари учун бадаллар олиш;

- қонунчилик ва жамиятнинг низоми томонидан кўзда тутилган бошқа ҳуқуқлар;

#### 11. Тафтиш комиссиясининг аъзоси ҳақли:

- аниқланган қоидабузарлик натижасида тафтиш комиссиясининг зудлик билан қарор қабул қилиши керак бўлган ҳолатларида комиссиянинг шошилинч равишда мажлиси чақирилишини талаб қилиш;

- тафтиш комиссиясининг хулосаларига қўшилмаслигини ёзма равишда изҳор қилиш ва буни акциядорлар умумий йиғилиши диққатига етказиш.

### IV. ТАФТИШ (РЕВИЗИЯ)ЛАРНИ ЎТКАЗИШ ТАРТИБИ

12. Жамиятнинг молиявий - хўжалик фаолияти тафтиши (ревизияси) фаолиятнинг йил натижалари асосида ўтказилади.

13. Тафтиш комиссияси кузатув кенгашига жамият фаолиятининг йил натижалари бўйича ўтказилган молиявий - хўжалик фаолияти тафтиши (ревизияси) ҳақидаги ҳисобот ва хулосаларини тақдим этади, унда йиллик бухгалтерия баланси ва жамиятнинг йиллик ҳисоботида берилган маълумотлар тасдиқланади ёки нотўғрилиги исботланади. Бу ҳужжат жамиятнинг йиллик ҳисоботини дастлабки тасдиқлаш масаласи кўриладиган кузатув кенгаши йиғилиши ўтказилишидан камида 3 кун олдин тақдим этилиши зарур.

14. Жамиятнинг режадан ташқари молиявий - хўжалик фаолияти тафтиши (ревизияси) қуйидагилар асосида ўтказилади:

- акциядорлар умумий йиғилиши қарори асосида;

- кузатув кенгаши қарори асосида;

- биргаликда жамиятни овоз берувчи акцияларининг 5% дан кам бўлмаган акцияларига эга бўлган акциядор (акциядорлар) талабига биноан;

- тафтиш комиссияси ташаббуси асосида.

15. Жамиятнинг режадан ташқари молиявий - хўжалик фаолияти тафтиши ҳақидаги қарор акциядорларнинг умумий йиғилишида акциядорларнинг оддий кўпчилик овозлари билан - йиғилишда қатнашаётган жамиятнинг овоз берувчи акциялари эгаларининг овозлари билан қабул қилинади. Тафтиш комиссияси текширувни (ревизияни) акциядорлар умумий йиғилишининг тегишли баённомасини ўз қўлига олганидан сўнг бошлайди.

16. Жамиятнинг режадан ташқари молиявий - хўжалик фаолияти тафтиши ҳақидаги қарори кузатув кенгаши томонидан унинг мажлисида қатнашаётган аъзоларининг кўпчилик овози билан, овоз бериш сиртдан бўлган ҳолатда (сўров йўли билан) бир овоздан қабул қилинади. Ушбу қарор тафтиш комиссияси раиси номига юборилади ва ушбу ҳужжат уни қабул қилинишида қатнашган кузатув кенгашининг барча аъзолари томонидан имзоланади.

17. Тафтиш комиссиясининг қарорини талаб этувчи қоидабузарликлар аниқланган ҳолатида тафтиш комиссиясининг аъзоси тафтиш комиссияси раиси номига аниқланган қоидабузарликларни ёзма равишда таърифлаган ҳолда маълумот киритади.

Талабни олганидан сўнг 3 иш куни давомида тафтиш комиссияси раиси тафтиш комиссияси йиғилишини чақириши зарур.

Тафтиш комиссияси томонидан текшириш (ревизия) ўтказиш борасида қарор қабул қилинган ҳолда тафтиш комиссиясининг раиси текшириш (ревизия)ни ташкиллаштириши ва уни бошлаши зарур.

18. Жамият акциядорлари томонидан режадан ташқари текшириш (ревизия) ўтказиш борасида талаб қўйиш:

а) Режадан ташқари текшириш (ревизия) ўтказишни талаб қилувчи акциядорлар - ташаббусчилар тафтиш комиссиясига ёзма талабнома жўнатадилар, унда қуйидагилар кўрсатилади:

- акциядорлар Ф.И.Ш. (номланиши);

- улар эгалик қилаётган акциялар ҳақида маълумотлар (сони, категорияси, тури);

- ушбу талабнинг асосномаси.

Талабнома акциядор ёки унинг ваколатли шахси томонидан имзоланади. Агар талабнома ваколатли шахс томонидан имзоланса, ишончномаси илова қилинади.

Агар ташаббус юридик шахс бўлган акциядорлар номидан чиқса, унинг низоми асосида ишончномасиз амал қилаётган юридик шахс вакилининг имзоси ушбу юридик шахснинг имзоси билан тасдиқланади. Агар талабнома юридик шахснинг номидан ишончнома асосида амал қилувчи вакили томонидан имзоланган бўлса, талабномага ишончнома ҳам илова қилинади.

б) Текшириш (ревизия) ўтказиш ташаббусчиларининг талабномалари жамият манзилига тафтиш комиссиясининг номига заказной хат шаклида жўнатилади ва бу борада топширилганлиги ҳақида хабар берилади ёки жамият девонхонасига топширилади.

Талабномани тақдим этиш санаси деб уни топширилганлиги ҳақидаги хабарнома санаси ёки девонхонага берилганлиги санаси қабул қилинади.

в) Талабномани тақдим этиш санасидан бошлаб 10 иш куни давомида тафтиш комиссияси жамиятнинг режадан ташқари молиявий - хўжалик фаолияти тафтишини ўтказиш ҳақида қарор қабул қилиши ёки асосланган тарзда тафтиш ўтказилишини рад этиши керак.

г) Тафтиш комиссияси томонидан текшириш (ревизия) ўтказиш ҳақида рад жавоби қуйидаги ҳолларда берилиши мумкин:

- талаб қўйган акциядорлар талаб қўйиш санаси ҳолатига умумий йиғилишнинг барча масалалари бўйича ваколат берувчи овоз беришга етарли даражадаги акциялар сонига эга эмасликлари;

- талаб қўйиш ташаббусчилари акциядорлар рўйхатида қайддан ўтмаганлар ёки мувофиқ акциядорлар ваколатларига эга эмаслар;

- талабномада тафтишни (ревизияни) ўтказиш учун асос кўрсатилмаган;

- тафтишни (ревизияни) ўтказиш учун асос бўлган ҳолатлар бўйича тафтиш(ревизия) ўтказилган ва тафтиш комиссияси томонидан хулоса тасдиқланган;

- талабномада маълумот тўлиқ берилмаган;

- талабнома қонунчилик ва Ўзбекистон Республикасининг норматив-ҳуқуқий ҳужжатлари ёки жамият низомига тўғри келмайди.

19. Тафтиш (текшириш) ўтказиш чоғида тафтиш комиссияси аъзолари тафтиш предметига оид бўлган барча мавжуд ва қабул қилган ҳужжатлар ва материалларни ўрганишга мажбурдирлар.

20. Жамиятнинг режадан ташқари молиявий - хўжалик фаолияти тафтиши натижалари бўйича Корпоратив бошқарув кодекси тавсияларига мувофиқ тафтиш комиссияси ўз хулосасини чиқаради, унда қуйидагилар кўрсатилиши зарур:

- жамиятнинг ҳисобот ва бошқа молиявий ҳужжатларида келтирилган маълумотларнинг ҳақиқийлигини баҳолаш натижалари;

- молиявий-хўжалик фаолият юретишда бухгалтерия ҳисобини юретиш ва молиявий ҳисоботлар тақдим этиш тартиби, ҳамда қонунчилик талабларини бузиш ҳолатлари ҳақидаги маълумотлар.

Ушбу хулоса жамият акциядорларининг йиллик умумий йиғилишида эшитилади.

21. Жамиятнинг режадан ташқари молиявий - хўжалик фаолияти тафтиши ташаббусчилари тафтиш комиссияси томонидан тафтиш (ревизия) ўтказиш борасида қарор қабул қилгунича ўз талабларини қайтариб олишлари мумкин, бу ерда тафтиш комиссиясини ёзма тарзда хабардор қилиш керак.

22. Тафтиш комиссияси ҳар чоракда жамият қузатув кенгашининг йиғилишига афилланган шахслар тузилган битим ёки жамиятда тузилган йирик шартномалар, ҳамда ушбу битимларни тузиш нисбатан қўйилган қонунчилик талаблари ва жамиятнинг ички ҳужжатларига риоя этилганлиги ҳақида хулосасини тақдим этади.

#### **V. ТАФТИШ КОМИССИЯСИ АЪЗОЛАРИНИНГ САЙЛАНИШИ ВА ВАКОЛАТЛАРИНИ МУДДАТИДАН ИЛГАРИ ТУГАТИШ**

23. Жамиятнинг тафтиш комиссиясига номзодлар кўрсатиш ва қузатув кенгаши томонидан ушбу таклифларни кўриб чиқиш, қарор қабул қилиш Ўзбекистон Республикасининг "Акциядорлик жамиятлари ва акциядорлар ҳуқуқларини ҳимоя қилиш тўғрисида" ги Қонунининг 63 ва 65 моддалари, ҳамда жамият низоми асосида амалга оширилади.

24. Тафтиш комиссиясига номзодларни тавсия қилиш ёзма шаклда, жамият манзилига заказной хат жўнатиш йўли билан амалга оширилади ёки жамият девонхонасига топширилади.

Таклиф киритиш санаси почта жўнатмаси санаси ёки жамият девонхонасига топширилиши санасига қараб аниқланади.

Таклиф акциядор ёки унинг ишончли вакили томонидан имзоланади, агар таклиф ишончли вакил томонидан имзоланса, унга ишончнома ҳам илова қилинади.

Агар ташаббус юридик шахс бўлган акциядорлар номидан чиқса, унинг низоми асосида ишончномасиз амал қилаётган юридик шахсни вакилининг имзоси ушбу юридик шахснинг муҳри билан тасдиқланади. Агар талабнома юридик шахснинг номидан ишончнома асосида амал қилувчи вакили томонидан имзоланган бўлса, талабномага ишончнома ҳам илова қилинади.

25. Тафтиш комиссияси акциядорлар умумий йиғилиши томонидан бир йил муддатга, 3 нафар таркибда, йиғилишда қатнашаётган акциядорлар – жамиятнинг овоз берувчи акциялар эгаларининг кўпчилиги (оддий кўпчилиги) билан сайланади. Тафтиш комиссиясининг аъзолари бир вақтнинг ўзида жамиятнинг қузатув кенгаши аъзоси бўла олмайдилар, шунингдек айнан шу жамиятда меҳнат шартномаси (контракт) асосида ишлашлари мумкин эмас. Айнан бир шахс кетма кет уч мартадан ортиқ тафтиш комиссияси таркибига сайланиши мумкин эмас.

26. Тафтиш комиссияси раис ва котибни ўз таркибидан сайлайди. Тафтиш комиссиясининг раиси ва котиби тафтиш комиссиясининг мажлисида комиссияни сайланган аъзоларининг кўпчилик овозлари билан сайланадилар.

Тафтиш комиссияси хоҳлаган вақтда ўзининг раиси ва котибини комиссияни сайланган аъзоларининг кўпчилик овозлари билан қайта сайлашга ҳақли, комиссиядан чиқиб кетган тафтиш комиссияси аъзоларининг овозлари бундан мустасно.

27. Тафтиш комиссияси аъзоси ўз ташаббусига асосан унинг таркибидан хоҳлаган вақтда чиқиши мумкин, у бу ҳақда тафтиш комиссияси ва қузатув кенгашини ўзининг фаолиятини тафтиш комиссияси таркибда тўхтатишдан бир ой олдин хабардор қилади. Бу ҳолатда акциядорларнинг умумий йиғилиши ўзининг энг яқин мажлисларида тафтиш комиссияси аъзосини алмаштиради.

28. Тафтиш комиссиясининг алоҳида аъзолари ёки бутун таркибининг ваколатлари йиғилишда қатнашаётган акциядорлар – жамиятнинг овоз берувчи акциялар эгаларининг кўпчилиги (оддий кўпчилиги) билан акциядорлар умумий йиғилишининг қарори асосида қуйидаги сабабларга асосан тугатилади:

- Тафтиш комиссиясининг ишида узрли сабабларсиз 3 мартадан ортиқ қатнашмаслик;

- тафтиш ўтказётган пайтда тафтиш комиссияси аъзоси (аъзолари) тафтиш предметига оид материал ва ҳужжатларни зарурий даражада ўрганиб чиқмаганлиги сабабли жамиятнинг тафтиш комиссияси хулосаларининг нотўғри чиқиши;

- тафтиш комиссиясининг алоҳида аъзолари ёки бутун тафтиш комиссияси томонидан ушбу низомнинг 23 банди бажарилмаслиги;

- жамият учун ноҳуш оқибатлар олиб келган тафтиш комиссияси аъзоларининг бошқа ҳаракатлари (ҳаракатсизлиги).

Тафтиш комиссияси аъзолари сони жамият низоми ва ушбу низомда қўзда тутилган соннинг ярмидан камини ташкил этган ҳолларда тафтиш комиссиясининг янги таркибини сайлаш учун қузатув кенгаши акциядорларнинг навбатдан ташқари умумий йиғилишини чақиритиш керак.

Тафтиш комиссиясининг ваколатлари муддатидан олдин тугатилганда, янги сайланган тафтиш комиссияси аъзоларининг ваколатлари акциядорларнинг келгуси йилдаги умумий йиғилиши томонидан тафтиш комиссияси сайлангунча амал қилади.

29. Агар акциядорларнинг навбатдан ташқари умумий йиғилиши тафтиш комиссиясининг бутун таркиби ёки унинг алоҳида аъзолари ваколатларини муддатидан олдин тугатган бўлиб, уларнинг сони сайланган таркибнинг ярмидан камини ташкил этса, ушбу қарорни қабул қилгандан сўнг уч иш кунидан ошмаган муддатларда кузатув кенгаши акциядорларнинг навбатдан ташқари умумий йиғилишини чақирилиши ҳақида қарор қабул қилиши зарур ва кун тартибига тафтиш комиссиясининг янги таркибини сайланиши масаласи қўйилган бўлиши керак.

Тафтиш комиссияси таркибига қонунчилик ва жамият низомига асосан жамиятнинг бошқарув ва назорат органларига номзод кўрсатишга ҳақли акциядорлар номзодлар борасида таклиф киритиши мумкин.

#### **VI. ТАФТИШ КОМИССИЯСИНING ЙИГИЛИШЛАРИ**

30. Тафтиш комиссияси барча масалаларни ўз йиғилишларида ҳал қилади. Тафтиш комиссиясининг йиғилишлари тасдиқланган режа асосида, ҳамда тафтишни бошлашдан олдин ва унинг натижалари бўйича ўтказилади.

31. Агар унда тафтиш комиссияси аъзоларнинг учдан икки ҳиссасидан кам бўлган аъзолари қатнашса, тафтиш комиссиясининг йиғилиши қонуний ҳуқуққа эга бўлган деб ҳисобланади. Тафтиш комиссиясининг барча йиғилишлари юзма-юз ўтказилади.

32. Тафтиш комиссиясининг ҳар бир аъзоси битта овозга эга. Тафтиш комиссиясининг далолатнома ва хулосалари йиғилишда қатнашувчиларнинг оддий кўпчилик овози билан тасдиқланади. Овозлар сони тенг бўлган ҳолатда, тафтиш комиссияси раисининг овози ҳал қилувчи кучга эгадир.

33. Тафтиш комиссияси аъзолари комиссия қарорига норози бўлган ҳолатларида йиғилиш баённомасида ўзига хос фикрлари борасида қайд киритиш ва унинг мазмунини кузатув кенгаши ва акциядорлар умумий йиғилиши диққатига етказишга ҳақлидирлар.

34. Тафтиш комиссиясининг раиси:

- йиғилишларни чақириб, ўтказди;
- тафтиш комиссиясининг жорий фаолиятини ташкиллаштиради;
- кузатув кенгаши, акциядорлар умумий йиғилишларида комиссия вакили сифатида қатнашади;
- комиссия номидан чиқадиган ҳужжатларни имзолайди.

35. Тафтиш комиссияси раиси бўлмаганда, унинг функцияларини йиғилишда қатнашаётган тафтиш комиссияси аъзоларининг кўпчилик овози билан унинг аъзоларидан бири бажаради.

36. Тафтиш комиссияси котиби:

- унинг йиғилиши баёнлаштирилишини ташкиллаштиради;
- тафтиш комиссияси далолатнома ва хулосаларини ўз олувчиларига етказди.

#### **VII. ТАФТИШ КОМИССИЯСИ АЪЗОЛАРИГА ТўЛАНДИГАН МУКОФОТ ҲАЖМИНИ БЕЛГИЛАШ**

37. Тафтиш комиссияси аъзоларига улар бажарган ишлар ва ҳисоботлар (хулосалар)ни тақдим этганлари учун қонунчилик ва ушбу низом билан белгиланган мукофотлар тўланади.

38. Тафтиш комиссияси ишининг натижалари ва ҳисоботлар (хулосалар)ни тақдим этилганлиги тафтиш комиссиясининг раиси ва аъзоларига тўланадиган мукофотлар ҳажмини аниқлаш учун асос бўлади.

39. Тафтиш комиссияси аъзоларига тўланадиган мукофотлар бир марта йил натижалари бўйича тўланади ва бу мукофотнинг ҳажми акциядорлар умумий йиғилишида тасдиқланиб, Ўзбекистон Республикасида белгиланган энг кам ойлик иш ҳақининг 50 бараваридан ошмаслиги керак.

40. Агар тафтиш комиссиясининг хулосалари ҳар чоракда кузатув кенгашига тақдим этилмаган бўлса, мукофот тўланмайди.

41. Шу аснода тафтиш комиссияси раисига тўланадиган мукофотта тафтиш комиссияси аъзосига тўланадиган ҳажмнинг 1,2 бараваридан ошмаган шаклдаги ўсувчи коэффициент белгиланади.